



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expedita Juris Divini, Natvralis, Et Ecclesiastici Moralis
Expositio**

Tamburini, Tommaso

Coloniæ Agrippinæ, 1665

Sexta. Solum pro foro interno. parag. 6.

urn:nbn:de:hbz:466:1-40132

et, quia illam omnino vult jam peractam
esse ante dispensationem : non meminit au-
tem servitii illius, quod etiam integre pera-
ctum esse vult, quia jam hoc dixerat in illis
verbis: *Vt vir conferat servitium per tres men-
ses*: Si enim vir conferat solum per duos jam
non servat id, quod prescriptum fuit ad dis-
pensationem obtinendam, hanc enim vim
habet illud (*conferat*) positum ante illud (*dis-
penses*) quasi dicatur: *postquam contulerit, dis-
penses*. Hic est sensus tenoris Rescripti, si fin-
cere illud interpretari velimus, & ad inten-
tionem Pontificis attendamus, qui prius vult
satisfactionem per illam pœnitentiam sibi
dari, & deinde, quasi satisfactus, gratiam dis-
pensationis concedere.

8. Adde Primò, illud (*ut*) significare conditionem, id est, *si contulerit servitium, sicuti*
a Conrad. notat Conradus *a ex Surdo.*

9. Adde Secundò, in his dispensationibus
in forma pauperum , in quibus imponitur
hoc servitium , illud imponi loco eleemosy-

nam. 4. næ, quæ imponitur Divitibus, subrogando
scilicet servitium eleemosynæ. Quemadmo-
dum ergo à Divite prius solvit eleemosy-
na, & deinde ipsi conceditur gratia, ita à Pau-
pere prius implendum est servitium, &c. cum
commune sit jus, quod subrogatum debeat
habere easdem conditiones, quas habet id, cui
subrogatur.

10. Adde Tertiò , esse valde inconveniens , ut matrimonium celebretur ab Oratore , latiusque solita signa exhibeantur , traducatur Sponsa coram omnibus in dominum Sponsi , fiant benedictiones Matrimonii ab Ecclesia institutæ , &c. quando eadem Ecclesia vult , ut Orator maneat in pænitentia .

11. Denique. Quid si deinde Orator jam dispensatus omittat servitium? Respondebis. Illicite omittet, sed valide persistet dispensatio. Audio; sed hoc non latius esset ad difficiles reddendis ejusmodi dispensationes, & ad exemplum illorum, quæ est intentio Ecclesiæ, ergo dicendum est, non solum illicite agi, sed invadere.

§. - IV.

*In quarta clausula requiritur, impedimentum
esse occultum.*

DE hac re plene diximus b supra, ubi c eti- b sup
dam notavimus, quid præstandum, si post a m. 11
dispensationem res forte divulgetur. c th. 11

§. V.

*In quinta Clausula prescribitur revalidatio
Matrimonii.*

Si forte Matrimonium inter impeditos per impedimentum dirimens, contractum fuit, cum fuerit nullum, revalidari per novum consensum deberet: id ergo moneret in hac clausula Pontifex. Nos autem de hac revalidatione commodius tractabimus infra dictis pluribus.

6. VI

In sexta Clausula advertitur, hanc dispensationem valere tantum pro foro Conscientia.

I. Quandoquidem Dispensatio, de qua agimus, expedienda est per viam Pœnitentiariæ, quia est pro impedimentis occultis, ideo recte advertat Pontifer, eam dari solum pro foro interno. Judex ergo in externo foro procedere poterit in hoc casu, ac si ei Matrimonio dispensatum non fuisset,

2. Verum non est negandum , si Judex
sciat , ejusmodi dispensationem fuisse datam ,
posse interdum illi acquiescere , immo recte
Fillius e notat , posse evenire , ut Confessio-
rius habita licentia , ut suppono à penitente)
faciat fidem apud Judicem , se absolvisse , &
dispensasse . Ex quo Testimonio disimulare
Judex poterit , & Matrimonium illud non
condemnare . Potest item contingere , ut Pa-
rochus , vel Episcopus , nolit assistere huic Mat-
rimonio , quia scit , impedimentum occul-
tum esse inter contrahentes ; tunc ergo Con-
fessarius poterit , per similem licentiam Pa-
rochitis , certiorum facere Parochum , vel Epi-
scopum .

copum, qui sanè ad ejusmodi Testimonium acquiescere omnino debebant.

§. VII.

In septima Clausula precipit lacerari literas.

Executor horum impedimentorum, quæ occulta supponuntur, nullas literas, nullamque fidem debet dare iis, quibus dispensationem concedit (Excipe, quæ diximus §. preced. num. 2.) ipsumque Summi Pontificis Breve, seu Rescriptum, ex cuius vi dispensationem expedit, lacerare, vel quod idem est, comburere, obligabitur: id, quod non raro sub pena excommunicationis præcipitur, quia, ut habet a Filiucius, Pontifex non vult, ut sic dispensatus uti possit ea dispensatione in fôro externo.

At, poteritne Confessarius illud
Brevem apud se retinere?

Respondeo, Cum certè ad alium usum, non vero ad forum exterum, ut supponimus, retineat, erit materialis retentio, unde, nec ipsi b. prohibita, maximè, si in illo aliqua fiat scissura, præfertim sigilli, &c. Addit Sanc. c. Si ejusmodi Breve apud ipsum dispensatum remaneat, non propterea invalidam fore dispensationem, nam, quando Pontifex Delegato dicit. Quod si restituerit, nihil illi presentes litera suffragarentur, iensus est, ut nihil suffragarentur in fôro externo.

CAPUT XIV.
De Duratione Dispensationis, & Potestatis dispensandi.

§. I.

An cessat, seu valeat Dispensatio seu dispensandi potestas, si non acceptetur?

Hic sunt tria fere certa, unum controversum. Certum est Primo, si cuperas a Pontifice v. g. per medium Procuratorem dispensationem, vel potestatem dispensandi, & Pontifex concedit. valere d. gratiam, quia jam adest tua acceptatio in persona tui Procuratoris, cui mandatum petendi dedisti.

2. Certum est Secundo. Si, te nesciente, aliquis tibi easdem gratias impetrat, validè impetrare; valide enim impetrari omnes gratias pro alio nesciente, rectè probat Sanc. e. c. Sanch. ib. Quilibet enim, sicuti generalem animam habet lucrandi Donationes liberales, ita, & has proprio de gratias, & privilegia, quæ tandem aliquid preben. in donant, nempe exemptionem à lege. Ad 6. complementum tamen valoris requiritur tua acceptatio, ut sic illa gratia uti possis, & ad quoddam alias effectus, qui infra indicabuntur. Si igitur res ita se haberet in ceteris gratiis, ita etiam se habebit in dispensationibus Matrimonialibus. Immo in his, quod impedimenta Consanguinitatis, vel Affinitatis est illud peculiare, ut, si scientur, vel acceptentur ab uno ex conjugibus, sit ex alio capite valida dispensatio; Cum enim tunc dispensetur in impedimento affissioni utramque personam, acceptatio unius, ne careat suo effectu prodest etiam alteri.

3. Certum est etiam Tertiò, si aliquo tempore nolueris acceptare prædictas gratias, posse postea, quandocunque volueris, illas validè acceptare, quia donec Pontifex, seu Princeps eas non revocaverit, semper persistent, atque adeo eas acceptare tibi integrum semper erit.

4. Hæc sunt certa, Controversum est, an si impetratam dispensationem de impedimento, quo laborant vir, & mulier, nescientes; si v. bona, si v. mala fide procedant ad matrimonium, matrimonium infirmetur ex aliquo alio capite? Verum de hac questione à me s. 1. Intra. Tr. 4. de Cen-
senjuc. 2.

§. II.

An cesset ex renuntiatione?
Quid ex non usu?

1. Impetrasti dispensationem, seu gratiam & acceptasti, illam tamen nunc renuntias, perit ne gratia? Quod enim eam possis renuntiare certum est, quia quilibet potest renuntiare suam rem, qualis esse supponuntur hæ gratiae, & privilegia concessa in utilitatē propriæ personæ, nam concessa alicui in favorem status, ut est, privilegium Canonis concessum Clericis, non posse à Clerico renunciari, scimus omnes.

2. Respondeo. Si Superior legitimus tuam

Zz 2 renun-